

অবিলম্বে প্রকাশের উদ্দেশ্যে: 11/1/2019

গভর্নর অ্যাঙ্কু এম. কুওমো

গভর্নর কুউমো প্রবল বৃষ্টিপাত ও ঝড়ো হাওয়ার কারণে সৃষ্ট বন্যা ও বিদ্যুৎ বিভ্রাটের কারণে
11টি প্রদেশে জরুরি অবস্থা ঘোষণা করেন

দুঘটনা পরবর্তী সময়ে অপারেশনে সহায়তার জন্য ন্যাশনাল গার্ডের 200 সদস্য মোতায়েন করা
হয়

প্রতিটি প্রদেশে 241,000টিরও বেশি বিদ্যুৎ সংযোগ বিচ্ছিন্ন হয়েছে এবং ক্ষতিগ্রস্ত এলাকাগুলোতে
প্রায় 60টি সড়ক বন্ধ ঘোষণা করা হয়েছে

রাজ্যের জরুরী অপারেশন সেন্টার (Emergency Operations Center) সক্রিয় করা হয়েছে

ঝড় আঘাত হানার পূর্বেই, গতকাল গভর্নর DHSES, DOT, মহাসড়ক কর্তৃপক্ষ (Thruway
Authority), DEC, DPS, নিউ ইয়র্ক স্টেট পুলিশ, NYPA, ক্যানাল করপোরেশন (Canal
Corporation) ও পার্ক বিভাগের সরঞ্জামাদি ও কর্মীদের মোতায়েন করেন

জরুরী প্রতিক্রিয়া টিমগুলোর (Emergency Response Teams) সাথে গভর্নরের সাক্ষাতের ভিডিও
এবং ঝড়ে ক্ষয়ক্ষতি পরিমাণ [এখানে](#) উপলব্ধ

গভর্নর অ্যাঙ্কু এম. কুউমো আজ সিয়ুগা, চাউতাকোয়া, ডাচেস, এরি, এসেক্স, হ্যামিল্টন, হারকিমার, মন্টগোমারি, ওয়ানদা, সারাটোগা এবং ওয়ারেন প্রদেশগুলিতে জরুরী অবস্থা ঘোষণা করেছেন। এই বৈরী আবহাওয়ার কারণে রাজ্যজুড়ে প্রায় 60 টি রাস্তা বন্ধ হয়ে গিয়েছে এবং 241,000 টিরও বেশি বিল্ডিং বা বাড়িঘরে বিদ্যুৎ সংযোগ বিচ্ছিন্ন রয়েছে। প্রতিক্রিয়া ও পরিষ্কার-পরিচ্ছন্ন কার্যক্রমে স্থানীয়দের সহায়তা করতে গভর্নর ন্যাশনাল গার্ডের 200 সদস্য মোতায়েন করছেন। আগামী ২৪ ঘন্টার মধ্যে সৈন্যদেরকে ও বিমানবাহিনীকে মোতায়েন করা হবে এবং তারা ববক্যাট, ডাম্প ট্রাক এবং ফ্রন্ট-এন্ড লোডার ব্যবহার করে ধ্বংসাবশেষ পরিষ্কার করার কাজে সহায়তা করবে। গভর্নর আলবানির স্টেট ইমার্জেন্সি অপারেশনস সেন্টারকে আরও চার জায়গায় সক্রিয় করছেন এবং রাষ্ট্রীয় সংস্থাগুলোকে জরুরী প্রতিক্রিয়ায় ব্যবহৃত যন্ত্রপাতি এবং কর্মী মোতায়েন চালিয়ে যেতে নির্দেশ দিয়েছেন-যার বেশিরভাগই ইতোমধ্যে মাঠে রয়েছে। নিউ ইয়র্কবাসীদের সর্বাধিক সাবধানতা অবলম্বন করার এবং শুধুমাত্র প্রয়োজনে বাইরে যাওয়ার পরামর্শ দেওয়া হয়। মোটর সাইকেলে চলাচলের ক্ষেত্রে অতিরিক্ত সতর্কতা অবলম্বন করা উচিত যেহেতু একাধিক রাস্তা বন্ধ রয়েছে এবং বন্যার পানির কারণে সারা দিন-ই ড্রাইভিং করা কষ্টসাধ্য হতে পারে।

"রাতারাতি একটি তীব্র ঝড় বয়ে যায়, যার ফলে প্রতি ঘন্টায় 70 মাইল বেগে দমকা বাতাস বয়ে যায় এবং ভারী বৃষ্টির কারণে আকস্মিক বন্যা এবং ব্যাপক বিদ্যুত বিচ্ছিন্নের ঘটনা ঘটে," **গভর্নর কুওমো বলেন।** "আজ সকালে আমরা হারকিমার প্রদেশে একটি সুইফট ওয়াটার রেসকিউ করেছি যেখানে একটি বাড়ি ভেঙ্গে যাওয়ার আশঙ্কা ছিল, একটি শিশুসহ পাঁচজনকে বাসা থেকে উদ্ধার করা হয়েছে। ক্ষতিগ্রস্ত এলাকাগুলোতে প্রতিক্রিয়া কার্যক্রমে সহায়তা করার জন্য আমি ন্যাশনাল গার্ডের 200 সদস্যদের মোতায়েন করছি। এই পরিস্থিতি জীবনমরণের ব্যাপার হতে পারে, এবং নিউ ইয়র্কবাসীদের সর্বাধিক সাবধানতা অবলম্বন করার এবং শুধুমাত্র প্রয়োজনে বাইরে যাওয়ার অনুরোধ করছি।"

পশ্চিম নিউ ইয়র্কে, দক্ষিণ কুইবেক জুড়ে শক্তিশালী নিম্নচাপ আজ সকালের দিকে এই অঞ্চলজুড়ে ঝড়ো হাওয়া অব্যাহত রাখবে। শুক্রবার বিকেলের মধ্যে পশ্চিম থেকে পূর্ব দিকে বাতাসের গতি হ্রাস পেতে পারে। লেক এফেক্ট বৃষ্টি এবং ভেজা তুষার বৃষ্টিপাত আজ হ্রদের পূর্ব দিকে অগ্রসর হবে, সাথে সকালে উচ্চতর ভূখণ্ড জুড়ে কিছু ছোটখাট উপচিতি থাকবে। শনিবার রাত ও রোববার সকালের দিকে ঠাণ্ডা বাতাসের তীব্রতা হ্রদের পূর্বদিকের উঁচু অঞ্চল জুড়ে আরও বেশি লেক এফেক্ট ফেলতে পারে।

উত্তর প্রদেশে, গত রাতে তিন ইঞ্চি পর্যন্ত বৃষ্টির কারণে ছোট ছোট স্রোত এবং খাঁড়িগুলির আশেপাশে সামান্য বন্যার সম্ভাবনা অব্যাহত রয়েছে এবং সকাল থেকে পশ্চিম দিকে প্রচণ্ড বাতাস বইছে, আজ দুপুরের আগে ফিঙ্গার লেকস এবং পশ্চিম মহাওক উপত্যকায় প্রবল বাতাসের সম্ভাবনা রয়েছে। আজ শনিবার রাত জুড়ে শান্ত এবং আরও বেশি ঠাণ্ডা আবহাওয়ার আশা করা হচ্ছে।

মোহক উপত্যকায়, বিচ্ছিন্ন মাঝারি বৃষ্টির পকেটসহ হালকা বৃষ্টিপাতের অঞ্চলগুলির ভোরে পূর্ব নিউইয়র্ক হয়ে বেরিয়ে যাওয়া অব্যাহত থাকবে বলে আশা করা হচ্ছে। পশ্চিম থেকে উত্তর-পশ্চিম দিকে ঘন্টায় 40 মাইল বেগে ঝড়ো হাওয়া বয়ে যাচ্ছে।

রাজ্যের বেশ কয়েকটি জায়গায় বন্যা ও ঝড়ো হাওয়ার কারণে একাধিক সতর্কবার্তা, ঘড়ি এবং সতর্কতা জারি করা হয়েছে, যার অনেকগুলিই শনিবার পর্যন্ত কার্যকর থাকবে। আবহাওয়া পর্যবেক্ষণ, সতর্কীকরণ, উপদেশ এবং সর্বশেষ পূর্বাভাসের সব খবরাখবর জানতে, ন্যাশনাল ওয়েদার সার্ভিস (National Weather Service)-এর [ওয়েবসাইট](#) পরিদর্শন করুন।

বিদ্যুৎ বিভ্রাট

সকাল 11:45 পর্যন্ত 241,000-টিরও বেশি বিদ্যুৎ সংযোগ বিচ্ছিন্ন রয়েছে যার সংখ্যা আপস্টেট নিউ ইয়র্কে সবচেয়ে বেশি। 185,000টি পুনরুদ্ধার করা হয়েছে। রাজ্য জুড়ে ক্ষয়ক্ষতির পরিমাণ মূল্যায়ন, প্রতিক্রিয়া ও পুনরুদ্ধারের জন্য নিউ ইয়র্ক ইউটিলিটি বর্তমানে 5,000 জন শ্রমিক নিয়োজিত করেছে। বিভাগের কর্মচারীরা ইউটিলিটির সাথে সার্বক্ষণিক যোগাযোগে রাখছেন এবং ঝড়ের সময় ও ঝড়-পরবর্তী সময়ে তাদের প্রচেষ্টার উপর নজরদারি চালিয়ে যাবেন।

ইউটিলিটিগুলি কাস্টোমারদের ঝড় এবং নিরাপত্তা তথ্য প্রদান করতে পারবে অথবা কাস্টোমাররা তথ্যের জন্য অধিদপ্তরের কল সেন্টারে ফোন করতে পারে। 1-800-342-3377 নম্বরে ফোন করে PSC হেল্পলাইনের সাথে যোগাযোগ করা যাবে।

এজেন্সি অপারেশনস্

হোমল্যান্ড নিরাপত্তা ও জরুরি সেবা বিভাগ (Division of Homeland Security and Emergency Services, DHSES)

নিউ ইয়র্ক স্টেট ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস ' ইমার্জেন্সি অপারেশনস সেন্টারকে কমিউনিটিগুলোর প্রয়োজনে প্রাদেশিক সম্পদের সমন্বয় ও স্থাপনার কাজে সহায়তা করার জন্য লেভেল চার স্ট্যাটাসে সক্রিয় করা হয়েছে। প্রাদেশিক স্টকগুলি খোলা আছে এবং পাম্প, চেনসো, স্যান্ডব্যাগ এবং বোতলজাত পানিসহ লোকালয়গুলোতে বিভিন্ন উপকরণাদি সরবরাহ করছে। ঘটনার প্রতিক্রিয়ায় স্থানীয় সরকারকে সহায়তা করতে আজ সকালে নিউইয়র্ক স্টেট কেস ব্যবস্থাপনা টিম মোতায়েন করা হয়। উপরন্তু, প্রাদেশিক অগ্নি প্রতিরোধ ও নিয়ন্ত্রণের দপ্তর (State Office of Fire Prevention and Control) থেকে সারা প্রদেশে সকল সুইফট ওয়াটার এবং অনুসন্ধান ও উদ্ধারকারী দল মোতায়েন করা হয়েছে এবং তারা বর্তমানে মোহক উপত্যকায় বেশ কয়েকটি অভিযান পরিচালনা করছে।

ডিপার্টমেন্ট অফ ট্রান্সপোর্টেশন (Department of Transportation)

রাজ্য জুড়ে রাজ্য পরিবহণ অধিদপ্তরে 3,431 জন সুপারভাইজার এবং অপারেটর কাজ করছেন। সকল ক্ষতিগ্রস্ত রেসিডেন্সিয়াল এলাকায় ইভেন্টের পুরো সময়জুড়ে 24/7 অপারেশনের জন্য কর্মী নিযুক্ত থাকবে, রেসপন্স সরঞ্জাম অপারেশন চালু রাখতে 24/7 মেকানিক সাপোর্ট থাকবে।

স্থানীয় কর্মীরা বর্তমানে বৃষ্টি/বন্যা পরিস্থিতি মোকাবেলার নিয়োজিত রয়েছেন।

বৃষ্টি/বন্যা পরিস্থিতি মোকাবেলার সরঞ্জাম মোতায়েনের জন্য প্রস্তুত। স্টেটব্যাপী সরঞ্জামের সংখ্যাগুলো নিম্নরূপ:

- 1,512টি বৃহৎ ডাম্প ট্রাক
- গ্রিপলসহ 45টি লোডার
- ড্রেন জেটসহ 18টি ভ্যাকুয়াম ট্রাক
- 35টি ট্র্যাকড খননযন্ত্র
- 49টি চাকায়ুক্ত খননযন্ত্র
- লোবয় ট্রেইলারসহ 55টি ট্র্যাক্টর ট্রেইলার
- 15টি ড্রি ড্রু বাকেট ট্রাক
- 38টি ট্রাফিক সিগন্যাল ট্রাক
- 7টি পানির পাম্প
- 76টি চিপার

নিউ ইয়র্ক জুড়ে বর্তমানে 58টি রাস্তা বন্ধ রয়েছে, যার মধ্যে মোহক উপত্যকায় 32টি। 17টি ক্ষয়ক্ষতি মূল্যায়ন টিম (Damage Assessment Teams) এবং 12টি ব্রিজ মূল্যায়ন টিমকে (Bridge Assessment Teams) মোহক উপত্যকায় ঝড়ের প্রভাব মূল্যায়ন করতে এবং নিরাপদভাবে রাস্তাগুলি পুনরায় খোলার জন্য প্রয়োজনীয় কার্যক্রম মূল্যায়ন করতে প্রস্তুত করা হচ্ছে।

বর্তমানে পরিবহন অধিদপ্তর মোহক উপত্যকায় নিম্নলিখিত সম্পদ রয়েছে:

- 82টি বৃহৎ ডাম্প ট্রাক
- গ্রিপলসহ 3টি লোডার
- ড্রেন জেটসহ 1টি ভ্যাকুয়াম ট্রাক
- 8টি ট্র্যাকড ও চাকায়ুক্ত খননযন্ত্র
- লোবয় ট্রেইলারসহ 5টি ট্র্যাক্টর ট্রেইলার
- 1টি ট্রি ক্রু বাকেট ট্রাক
- 2টি ট্রাফিক সিগন্যাল ট্রাক
- 7টি চিপার

মোটরচালকদের স্টেটের এই আইন মনে রাখতে বলা হচ্ছে যে কোনো ইন্টারসেকশন যদি "ব্ল্যাকড আউট" হয়ে যায় এবং ট্রাফিক সিগন্যাল কাজ না করে, তাহলে ইন্টারসেকশনটি স্বয়ংক্রিয়ভাবে "পুরোপুরি" বন্ধ। বন্যা, তার ছিড়ে পড়া বা ধ্বংসাবশেষের জন্য যদি রাস্তাঘাট বন্ধ বা আটকে যায়, মোটরচালকদের সতর্কতার সাথে কাজ করার উপদেশ দেওয়া হচ্ছে এবং সব ট্রাফিক সাইন ও ব্যারিকেড মেনে চলতে বলা হচ্ছে এমনকি যদি রাস্তা সাফ মনে হয় তখনো।

থ্রুওয়ে অথোরিটি (Thruway Authority)

নিউ ইয়র্ক স্টেট থ্রুওয়ে কর্তৃপক্ষ (New York State Thruway Authority) রাতারাতি কয়েক ঘন্টার মধ্যে অতিরিক্ত কর্মী নিয়ে আসে এবং সক্রিয়ভাবে ড্রেনেজ সিস্টেম পর্যবেক্ষণ করে ও সারা সড়কে পড়ে থাকা ধ্বংসাবশেষ অপসারণ করে। কর্মীরা সম্ভাব্য বন্যার বিষয়টি পর্যবেক্ষণ করছে এবং প্রয়োজনে যন্ত্রপাতি ও উপকরণাদি মোতায়েনের ব্যাপারে সহায়তা করতে প্রস্তুত রয়েছে। মোহক ভ্যালি এবং ওয়েস্টার্ন নিউ ইয়র্কের মতো সবচেয়ে বেশি ক্ষতিগ্রস্ত অঞ্চলগুলোর আঞ্চলিক অপারেশন সেন্টারগুলিতেও থ্রুওয়ে অথোরিটির কর্মীদের মোতায়েন করা হয়েছে।

থ্রুওয়ে অথোরিটি মোটরচালকদের তাদের মোবাইল অ্যাপ ডাউনলোড করতে উৎসাহিত করে যা [আইফোন](#) এবং [অ্যান্ড্রয়েড](#) ডিভাইসে ডাউনলোড করার জন্য বিনামূল্যে উপলভ্য। অ্যাপটি মোটরযান চালকদের রিয়েল-টাইম ট্রাফিক এবং দিক-নির্দেশনা সংক্রান্ত সহায়তা পেতে সরাসরি সুযোগ প্রদান করে। এছাড়াও মোটরচালকরা [ট্রান্সঅ্যালার্ট \(TRANSalert\)](#) ইমেইলের জন্য সাইন আপ করতে পারেন, যা থ্রুওয়ের সর্বশেষ ট্রাফিক পরিস্থিতির তথ্য প্রদান করে। রিয়েল-টাইম তথ্যের জন্য, মোটরচালকরা টুইটারে [@ThruwayTraffic](#) অনুসরণ করতে পারেন বা [www.thruway.ny.gov](#) ভিজিট করতে পারেন যেখানে তারা থ্রুওয়ে ও নিউ ইয়র্ক স্টেটের অন্যান্য রাস্তার ট্রাফিক পরিস্থিতি প্রদর্শনকারী একটি ইন্টারেক্টিভ মানচিত্র দেখতে পারবেন।

ডিপার্টমেন্ট অব এনভায়রনমেন্টাল কনজারভেশন (Department of Environmental Conservation, DEC)

পরিবেশ সংরক্ষণ বিভাগের পুলিশ অফিসার, বন রেঞ্জার্স, জরুরি ব্যবস্থাপনার কর্মীরা এবং আঞ্চলিক কর্মীরা ঝড়ো বাতাস ও বন্যার প্রতি সংবেদনশীল অঞ্চল এবং সেখানকার অবকাঠামোগত ব্যবস্থা পরীক্ষা করছেন। বেশ কিছু স্থানে সুইফট ওয়াটার রেসকিউ টিম মোতায়েন করা হয়েছে এবং দেখা গিয়েছে ত্রুটিম কৌশলগতভাবে ট্রি ক্লিয়ারিং ও রেসপন্স চাহিদার ব্যাপারে সহায়তা করার জন্য সেখানে অবস্থান করছে। এছাড়াও, ইউটিলিটি যানবাহনসহ সকল উপলভ্য সম্পদ যেকোনো জরুরি পরিস্থিতি মোকাবেলায় সহায়তা করতে প্রস্তুত রয়েছে।

নিউ ইয়র্ক স্টেট পুলিশ (New York State Police)

প্রাদেশিক পুলিশ হারকিমার প্রদেশসহ বন্যায় মারাত্মকভাবে ক্ষতিগ্রস্ত এলাকাগুলোতে অতিরিক্ত অস্বারোহী সৈনিক মোতায়েন করেছে। নৌকা, 4x4 হুইল, উচ্চ এক্সেলের যানবাহন এবং ইউটিলিটি যানবাহনসহ সকল বিশেষ সরঞ্জাম সেবা প্রদান করছে এবং তাৎক্ষণিকভাবে মোতায়েনের জন্য প্রস্তুত। রাজ্য পুলিশের আন্ডারওয়াটার রিকভারি টিম (State Police Underwater Recovery Team) এবং স্পেশাল অপারেশনস রেসপন্স টিম (Special Operations Response Team) ও অপেক্ষমান রয়েছে এবং প্রয়োজনে সহায়তা প্রস্তুত।

নিউ ইয়র্ক পাওয়ার অথোরিটি (New York Power Authority, NYPA)/ক্যানাল কর্পোরেশন (Canal Corporation)

নিউ ইয়র্ক পাওয়ার অথোরিটি এবং ক্যানাল কর্পোরেশন হারকিমার প্রদেশে হাই ওয়াটার ম্যানেজমেন্টে সহায়তা করার জন্য দুটি লো-বয় ট্রাক সরবরাহ করেছে। NYPA/ক্যানাল কর্মকর্তারা অধিক-পানি এলাকা পর্যবেক্ষণ করছেন এবং ক্ষতিগ্রস্ত এলাকায় কর্মী মোতায়েন করছেন।

পার্ক, বিনোদন ও ঐতিহাসিক সংরক্ষণ অফিস (Office of Parks, Recreation and Historic Preservation)

নিউ ইয়র্ক স্টেট পার্ক, বিনোদন ও ঐতিহাসিক সংরক্ষণ অফিস সংরক্ষণ পুলিশ কর্মীরা বর্তমানে পরিষ্কার-পরিচ্ছন্নতা কার্যক্রমে নিয়োজিত আছেন, যার মধ্যে রয়েছে বিক্ষিপ্তভাবে ছড়িয়ে থাকা গাছপালা ও শাখা-প্রশাখা পরিষ্কার করা, বন্যায় নিচু অঞ্চলে ক্ষয়ক্ষতির পরিমাণ মূল্যায়ন করা।

নিরাপত্তা পরামর্শ

সম্ভাব্য লোডশেডিং মোকাবেলায়, নিউ ইয়র্ক-এর অধিবাসীদের যা করা উচিত:

- জরুরি ফোন নম্বরগুলোর একটি তালিকা হাতের কাছ রাখুন।
- বাসায় বা কর্মস্থলে, ব্যাটারি-চালিত একটি রেডিও ও ফ্ল্যাশলাইট, এবং অতিরিক্ত ব্যাটারি সাথে রাখুন। পানি, ঔষধ, ও শুকনো খাবারের জরুরি সরবরাহ মজুদ রাখুন। আপনি যদি রেফ্রিজারেটরে রাখতে হয় এমন কোনো ঔষধ সেবন করেন, জেনে রাখুন যে বেশিরভাগ

ঔষধ কয়েক ঘণ্টার জন্য বন্ধ রেফ্রিজারেটরে রাখা যায় – আপনার ডাক্তার বা ফার্মাসিস্টের সাথে পরামর্শ করুন।

- নিশ্চিত করুন যে আপনার ফোন বা চার্জ দিতে হয় এরূপ যন্ত্র চার্জের বিকল্প ব্যবস্থা রয়েছে। মোবাইল ফোন ও ব্যাটারি-চালিত যেকোনো যন্ত্র চার্জ দিন।
- আপনার রেফ্রিজারেটর বা ফ্রিজারে জায়গা থাকলে, প্লাস্টিকের বোতলে রাখার সময় এক ইঞ্চি সমপরিমাণ জায়গা খালি রেখে বোতল ভর্তি করুন – এর ফলে বিদ্যুৎ চলে গেলেও খাবার ঠাণ্ডা থাকে।
- আপনার গ্যারেজের দরজা যদি বৈদ্যুতিকভাবে খুলতে হয়, তাহলে ম্যানুয়ালি খোলার স্থানটি শনাক্ত করে রাখুন ও কিভাবে সেটি খুলতে হয় জেনে নিন।
- আপনার গাড়ির গ্যাসের ট্যাংক কমপক্ষে অর্ধেক ভরে রাখুন; গ্যাস স্টেশনগুলো পাম্প চালানোর জন্য বিদ্যুতের উপর নির্ভরশীল। আপনি যদি যন্ত্র চার্জ দেওয়ার কাজে গাড়ি ব্যবহার করেন, সেক্ষেত্রে গ্যারেজে গাড়ি চালু রাখবেন না, গাড়িটি আংশিক বন্ধ স্থানে, বা বাসার কাছাকাছি রাখবেন না – এতে কার্বন মনোঅক্সাইড বিষক্রিয়া তৈরি হতে পারে।
- ক্যাম্প স্টোভ বা আউটডোর গ্রিলের মতো বিকল্প রান্নার ব্যবস্থা করে রাখুন। বাসার বাইরে এর ব্যবহারের যথাযথ নিরাপত্তা নিয়মাবলী অনুসরণ করুন।
- আপনি বাসায় কোনো জেনারেটর লাগানোর চিন্তা করে থাকলে, সেটি কেনার বা প্রতিস্থাপনের পূর্বে একজন বিদ্যুৎ মিস্ত্রি বা প্রকৌশলীর পরামর্শ নিন।
- উষ্ণতার জন্য হাতের কাছে বাড়তি কম্বল, কোট, হ্যাট, ও হাতমোজা রাখুন।
- আপনার কম্পিউটার থাকলে, ফাইল ও অপারেটিং সিস্টেম নিয়মিত ব্যাক আপ রাখুন। অব্যবহৃত অবস্থায় সব কম্পিউটার, মনিটর, ও অন্যান্য যন্ত্রপাতি বন্ধ করে রাখুন।
- আপনি মেডিকেল উপকরণ জাতীয় ব্যাটারি-চালিত বা বিদ্যুৎ-চালিত কিছু উপর নির্ভরশীল হলে, বিকল্প চিন্তা করে রাখুন। যেমন, আপনার টেলিফোনের জন্য যদি বিদ্যুৎ সংযোগ আবশ্যিক হয়, সেক্ষেত্রে একটি প্রমিত টেলিফোন হ্যান্ডসেট, মোবাইল ফোন, বা রেডিওর মতো বিকল্প যোগাযোগের ব্যবস্থা করে রাখুন।
- স্টেটের অথবা স্থানীয় ওয়েবসাইটে গিয়ে আপনার এলাকার জরুরি পরিকল্পনা সম্পর্কে জেনে নিন, যেমন- নিকটস্থ শীতল ও উষ্ণ আশ্রয়কেন্দ্রের অবস্থান।

বিদ্যুৎ চলে গেলে, নিউ ইয়র্কের অধিবাসীদের উচিত:

- বিদ্যুৎ-চালিত গুরুত্বপূর্ণ যন্ত্রপাতি ও অন্যান্য উপকরণ বন্ধ করে রাখুন বিদ্যুৎ সংযোগ বিচ্ছিন্ন করে দিন, যেমন- কম্পিউটার, কারণ বিদ্যুৎ সরবরাহ সাময়িক বেড়ে গেলে তা আপনার যন্ত্রকে নষ্ট করে দিতে পারে। একটি বাতির সুইচ চালু করে রাখুন যাতে বিদ্যুৎ ফিরে আসলে আপনি জানতে পারেন। যখনই বৈদ্যুতিক উপকরণ ব্যবহার করবেন, বিদ্যুৎ সার্জ প্রটেক্টর ব্যবহার করুন।
- বিদ্যুৎ চলে গেলে সেবা সংস্থাকে ফোন করুন এবং অফিসিয়াল তথ্যের জন্য স্থানীয় বেতার সম্প্রচার শুনুন। নিউ ইয়র্ক স্টেট-র ইউটিলিটি তালিকার জন্য নিউ ইয়র্ক স্টেট ডিপার্টমেন্ট অব পাবলিক সার্ভিস (New York State Department of Public Service) –

এর ওয়েবসাইট পরিদর্শন করুন আপনার প্রতিবেশীর বিদ্যুৎ রয়েছে কিনা তা জানতে পরীক্ষা করুন। যোগাযোগ সহায়তা ও ফাংশনাল সহায়তা প্রয়োজন এমন ব্যক্তিদের খোঁজ নিন।

- জরুরি আলো জ্বালানোর জন্য কেবল ফ্ল্যাশলাইট ব্যবহার করুন – মোমবাতি থেকে আগুন লাগার ঝুঁকি রয়েছে।
- রেফ্রিজারেটর ও ফ্রিজারের দরজা বন্ধ রাখুন – রেফ্রিজারেশন প্রয়োজন এমন বেশিরভাগ খাবার রেফ্রিজারেটরের দরজা বন্ধ অবস্থায় কয়েক ঘন্টা নিরাপদ থাকে। দরজা বন্ধ অবস্থায় রেফ্রিজারেটর কমপক্ষে চার (4) ঘন্টা খাবার ঠাণ্ডা রাখে। একটি পূর্ণাঙ্গ ফ্রিজার প্রায় 48 ঘন্টার জন্য তাপমাত্রা ধরে রাখবে।
- ঘর গরম করার জন্য কয়লার গ্রিল ইনডোর এবং গ্যাস স্টোভ ব্যবহার করবেন না – এগুলো থেকে ক্ষতিকর মাত্রার কার্বন মনোঅক্সাইড ছড়াতে পারে।
- ঠাণ্ডা আবহাওয়ায়, কয়েক স্তরের জামা পরে এবং বাইরে কম সময় কাটানোর মাধ্যমে উষ্ণ থাকুন। ঠাণ্ডা-বাহিত বিভিন্ন উপসর্গ (যেমন, হাইপোথার্মিয়া) সম্পর্কে সচেতন থাকুন এবং এ ধরনের কোনো উপসর্গ দেখা গেলে ডাক্তার দেখান।
- তীব্র গরমে, কোনো সিনেমা হল, শপিং মল বা শীতল আশ্রয়কেন্দ্রে যেতে পারেন। বাড়িতে থাকলে, সবচেয়ে নিচের তলায় চলে যান – সেখানে ঠাণ্ডা বাতাস আসে। কম ওজনের, হালকা রংয়ের কাপড় পরিধান করুন এবং তেষ্ঠা না পেলেও প্রচুর পানি পান করুন।
- আপনি কোনো উঁচু ভবনে থাকলে, সিঁড়ি বেয়ে ভবনের সবচেয়ে নিচের তলায় নেমে যান। এলিভেটরে আটকে গেলে, সহায়তার জন্য অপেক্ষা করুন। জোর করে দরজা খোলার চেষ্টা করবেন না। ধৈর্য ধরুন – এলিভেটরে প্রচুর বাতাস থাকে এবং এর ভেতরটা ব্যবহারকারীর নিরাপত্তার কথা মাথায় রেখে তৈরি।
- আপনার পোশা প্রাণীকে সতেজ, ঠাণ্ডা পানি খাওয়াতে ভুলবেন না।
- অপ্রয়োজনীয় ভ্রমণ বাতিল করুন, বিশেষ করে গাড়িতে চড়ে। বিদ্যুৎ চলে গেলে ট্রাফিক বাতি কাজ করবে না, ফলে রাস্তায় জ্যাম লেগে যেতে পারে এবং গাড়ি চলাচলে বিপজ্জনক পরিস্থিতি তৈরি হতে পারে। লোডশেডিং অবস্থায় আপনাকে যদি গাড়ি চালাতেই হয়, তাহলে ট্রাফিক সিগনাল অকেজো থাকা সংযোগ সড়কগুলোতে সর্ব-মুখী থামার নিয়মটি মেনে চলবেন।
- মনে রাখবেন যে ব্যাংকের এটিএম (ATMs) মেশিন ও এলিভেটর কাজ নাও করতে পারে।
- দীর্ঘ সময়ের জন্য বিদ্যুৎ না থাকলে, অন্য আরেকটি স্থানে যাওয়ার পরিকল্পনা করুন, যেমন- কোনো আত্মীয় বা বন্ধুর বাসা, অথবা উষ্ণতার বন্দোবস্ত রয়েছে এমন কোনো সরকারি ভবন।

আবহাওয়া পরিভাষার পূর্ণাঙ্গ তালিকা ও বিদ্যুৎবিভ্রাটের পূর্বে, বিদ্যুৎবিভ্রাট চলাকালীন ও পরবর্তীতে প্রস্তুতি সংক্রান্ত ধারণার জন্য, হোমল্যান্ড নিরাপত্তা ও জরুরি সেবা বিভাগ-এর ওয়েবসাইটটি পরিদর্শন করুন <http://www.dhses.ny.gov/oem/safety-info/outage/>।

অতিরিক্ত তথ্য পাওয়া যাবে এখানে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)